

Ich hädders gleich saache solle

Om vergangene Freidaach habb ich uffem neie Kerchhof de Hessler Josepp getroffen. Der iss e paar Johr jinger als ich unn dess hott merr aach gesehe. Weil der kam so richdisch mett Schwung uff mich zu, greift mett zwaa Händ nooch moine Schultern, lacht mich oo unn schittelt mich so richdisch dorch. Honnes, hotter gerufe, wie gieht derrs dann so?

Ei Josepp, habb aach ich gerufe, dich habb ich joo schunn ewich nit mehr geseh.

No ja, moont de Josepp, so oft komm ich aach nimmi nooch Flerschem, awwer heit iss moi Mudder zeh Johr dot unn doo habb ichere e paar Blumme uffs Grab geleecht.

Ich habb mich umgeguckt. Josepp, iss doi Fraa, die Lisbett, nit doo?

Naa, hotter gesaat, die iss dehoom gebliwwe, aach ich fahr heit widder zurick.

Ich frooch: Wo seider jetz dehoom? – ich habbs emol gewusst unn widder vergesse.

Doo hotter gelacht. Dess brauchdsde aach nit ze behalle, ess iss e kloo Kaff in de hinterst Eifel, dort wo Fuchs unn Has sich Gute Nacht saache.

Ich gucken oo. Dir gehts gut, odder?

Er hott genickt. Ja, mir geht's gut. Awwer de Lisbett nit.

Ich saach: Mir wernn halt älder, awwer was hottse dann?

De Josepp hott gonz traurich geguckt. Die Lisbett hott vor fünf Johr e nei Hüftgelenk kriecht unn seit der Zeit iss nix mehr los mettere, doodriwwer bin ich gonz unglücklich.

Ich bin halt noch gut druff. Unn deshalb det ich ab unn zu gern widder emol mache, was die Lisbett unn ich so gern gemacht hawwe. Josses naa, jeden Sunndaach moie so mindesdens zwaa Stund, bis merr so richdisch abgekämpft warn. Awwer dess gieht halt nimmi unn dess vermiss ich doch gonz schee. Debei sächt die Lisbett immer, wenn ich dess so gern widder emol mache det, dass ich merr e Partnerin suche soll, wenn ich wollt aach e jung, ihr dets nix ausmache unn sie det uns aach gern debei zugucke. Doodruffhie habb ich e paar Oozeiche uffgewwe unn habb aach schunn mettere Fraa telefoniert, awwer wie die geheert hott dass ich e Stick iwwer sechzich bin, hott die enn Rückzieher gemacht, naa, mett so emm Alde detses nit mache. Also setz ichs widder in die Zeidung, irchendwonn werdds klappe.

Irchendebbes hadd ich nit kapiert unn habb de Josepp gonz bleed oogeguckt. Unn wennde oo findst, wo machder dann die Sache?

Doo sächder: Ess gibt bei uns in de Näh so e Hall, doo kann jeder hie, entweder selbst was due odder zugucke.

Erst jetz iss merr uffgonge, dass ich was falsch verstonne hawwe muss unn habb gonz vorsichtig den Josepp gefroocht: Innere Hall? Saach emol, von was redde merrn eichentlich?

Doo hott de Josepp gelacht. Ich habb schunn die gonz Zeit gemerkt, dass du on was onnerst denkst. Ich hädders gleich saache solle was ich so gern widder emol mache det. Weil doch die Lisbett unn ich frieher jeden Sunndaachmoie nooch Darmstadt gefahrn sinn unn dort Paarlauf uff Rollschuh gemacht hawwe.

Eiern Honnes